

de Boonte Störrem



- nuitsbrief vaan zaate hermenie Blamaasj opgeriech 1900 + 8x11 -

GANS GRATIS EN VEUR NIKS

oetgaaf: november • jaorgaank: twiedoezend plus eine kier elf plus nege

'T VIJFDE SEZOEN...

De 11e vaan de 11e, de opening vaan 't vijfde seizoen...t seizoen vaan de doorgewinterde vastelaovendsvierder...mer wel aandere...

Dit vijfde seizoen blijf de zoepjas nog eve in de kas, de kaffees zien nog eve touw, alle vergönningpliechtege carnevalseveneminte zien verboojen en dat beteikend jaomergenog ouch geine Stadsprins, gei insjete vaan de Vastelaovend, gei Mooswief optakele, gein optochte, gei hermeniekesconcours en gein sleting vaan vastelaovend op 14, 15 en 16 fibberwarie 2021...MER WEL...

De Blamaasj Kaffeeekwis, e Herinneringsbook, Triple 11 en nog mie in de pen...!!!

Laote veer gewoon kieke wat wel kin en maag, 't vastelaovendsgeveul liet ziech neet zoemer eweg duie!

de Kretser

RIPPETITIES '20/'21

De daotums zien nog neet definitief. Geer zeet ze hei versjijne in ein vaan de volgende nuitsbreve

ACTIVITEITE '20/'21

12-12-2020 : 20.11 oor
Blamaasj Kaffeeekwis
Boe?: Online thoos

De Blamaasj ZjubileiKemissie prizzenteert:

**DE BLAMAASJ
KOFFEEKWIS**

IERSTE
ONLINE

ZAOTERDAG

**12.12
2020**

**KNAL DEE
DAOTUM IN
DE KALLEPIN!
GEEF UUCH OP
EN DAOT MÈT!**

**20.11
OOR**

**LEES WEIER
OP PAASJ 2...**

**BLAMAASJ
KAFFEEKWIS
BORRELPAKKÈT**

€11,11

De Blamaasj ZjubileiKemissie prizzenteert:

DE BLAMAASJ KAFFEEKWIS



Wèlt geer alle leie vaan Blamaasj nao al dees maonde weer ins “live” zien? Dat kin! En wel tijdes euze ierste online Blamaasj Kaffeeekwis op zaoterdag 12 december vaan dit jaor vaanaof 20.11 oor!

Deilname aon dees online kwis is gratis en veur ‘t ganse gezin!!

Es geer tijdes de kwis wèlt genete vaan ‘n speciaol veur Blamaasj leie samegestèld Kaffeeekwis Borrelpakkèt, daan bedrage de koste heiveur € 11,11

Geer kint keeze oet 3 variante:

- Blamaasj Triple 11 pakkèt, besteit oet 2 fleskes Triple 11 en diverse lekkerneie
- Blamaasj Wien pakkèt, besteit oet 1 groete fles witte wien en diverse lekker knaw-wel dinger
- Blamaasj Fris pakkèt, besteit oet un groete fles frisdraank (naor keuze) en diverse lekkerneie

Um deil te neume aon de kwis kint geer uuch opgeve via

Blamaasj3x11@gmail.com

Geef hei bei aon of en welk borrelpakkèt geer wèlt oontvaange.

De pakkète weure op 12-12-2020 door us samegestèld en bezörreg bei uuch toes.

Noa opgaaf kreig geer mie info en eventueel ‘ne tikkie veur ‘t borrelpakkèt.

Dus geef uuch op via **Blamaasj3x11@gmail.com veur 1 december** en aongeve wèlk borrelpakkèt geer wèlt oontvaange.

De online Blamaasj kaffee kwis weurt meugelik gemaak door:

De Blamaasj ZjubileiKemissie, ‘t Blamaasj Bestuur, Ziggo, KPN mobile, Vodafone, T-Mobile en god wèt wat veur ‘n aander providers, Sligro, Makro, Hanos, AH, HEMA, Hunkemöller en Easy Toys

Mèt speciaole dank aon Tim, de creator en concèpt-bedinker vaan de Blamaasj Kahoot.

**20.11
OOR**

**ZAOTERDAG
12.12
2020**

**BLAMAASJ
KAFFEEKWIS
BORRELPAKKÈT**

€11,11

**KNAL DEE
DAOTUM IN
DE KALLEPIN!
GEEF UUCH OP
EN DAOT MÈT!**

**OPGEVE VEUR
1 DECEMBER
VAAN DIT JAOR!**



DE PEN...

Wee is Harie?

Harie is 'nne jong oet 't Wittevrouweveld dee al 35 jaor gelökkig getrouwd is met Yolan (Layla).

Wat beteikent Vastelaovend veur diech?

Vastelaovend is ein vaan de hoogtepunte vaan 't jaor en altied leuke mominte oplevert um aon trögk te dingke. Ouch is vastelaovend 'n verrieking vaan 't leve dat gelökkig gegund is aon de Mestreecheneer. Iech hoop dat dat ouch in 2021 't geval zal zien.

Wie lang biste al bij Blamaasj?

Iech bin eve lang es Yolan bei Blamaasj (wult geer wete wie lang, zalt geer in 't archief moote duuke en de pen vaan Yolan oppakke!).

Wie biste met Blamaasj in aonraking gekoume?

Veer zien via Bea met Blamaasj in aonraking gekoume. Veer maakte toen same meziek bei de Emperor Bend en hadde nog get tied euver.

Boerum höbste 't instrumint watste noe höbs?

Wie iech 8 jaor waor bin iech bei de Gele Rijders gegaange. Dao kreegste beinao 'n jaor laangk met 'nne maan of 20 eeder week solfège les. Naor 'n jaor waore veer nog met 3 maan euver. De käös veel es gewoonlik iers op trompöt mer daor waore d'r genôg vaan. Toen woort us 'nne tuba in us han geduid en 't ierste optreijje waors meteen 'n concours boe veer same met de basse dirèk aon 't begin vaan 't ierste stök solo moos te blooze. Naor 'n haaf jaor waors dee tuba rech geblooze en voon te miech miejer gesjik veur 'n ech sjäoriezer. Sjuiftrombon speul iech daan ouch al vaanaof mien 9e jaor. Neve de Gele Rijders höb iech deil oetgemaak vaan; De Lollie Band, Probeerders, Emperor Bend, Fanfarekorps der Genie, Qui-Vive, Vastelaovendsorkès, Kumulus Big Band, Mosam Tune Big Band, Paper Music Band en netuurlik BLAMAASJ.

Wat is dien groetste wins?

Klisjee.....same met Yolan gezoond aaijd weure en met de këmper vööl nuij oontdekkinge doen.

Wat is diene twiede groetste wins?

Iech wul nog altied nog 'nne kier naor New Orleans um 't bekinde Jazzfest te bezeuke (neet te verwarre met de Mardi Grass want dee vèlt tegeliek met vastelaovend en daan kreig ste miech neet weg!)



LEES WEIER OP PAASJ 4....

de Boonte Störrem



- nuitsbreef vaan zaate hermenie Blamaasj opgeriech 1900 + 8x11 -

GANS GRATIS EN VEUR NIKS

oetgaaf: november • jaorgaank: twiedoezend plus eine kier elf plus nege

Vertèl 'ns 'n sjoen anekdote euver Blamaasj.

Daor zien hiel vööl anekdotes en ouch al vööl verteld. Hilarisch netuurlik de vrijgezèlle fieste, ut leech oetdoen beij de Clinique en Vogelstruys eedere zaoterdag nao de rippetiesie. De sjieke kampwiekende met opdrachte en oetvoeringe. Mer 't miest beijgebleve is de pèddel dee mien leve heet gered. Tijdens 't survivalwiekend vaan Mart Wijckmans zien veer 'nne modderpool ingesproonge boe veer harstikke vas in koume te zitte. Um zuuver te weure zien veer in 't rivierke goon stoon mer door de sterke stroming woort iech op de gladde stein (mòs) onderoet getrokke en kós nöriges mie rech koume of iech ging weer oonderoet. Tuut (Erwin) is toen langs de kant gerend met 'nne aofgebroke houte pèddel boe iech miech oeteindelik aon höb kinne vasklampe. Dee pèddel is met alle naome drop gesjreve es kedoo aongebooije op de broelof. De pèddel is nog 'n aontal kier beij aander gelegenhede aongebooije aon versjèllende leijje. Boe heer gebleve is wèt niemes. Missjien ligk heer in de roeij krat die ouch al jaore neet mie te vinde is.

Wat deiste euver 5 jaor?

Euver 5 jaor hoop iech langzaam aon mien pensjoen te goon dinke en nog heij en daor nog get meziek te make.

Wat is diene beste tip oets?

Pakke wie 't kump en maak 't beste devaan!

Aon wee giefste de pen door?

Iech geef de pen aon Monique "moneka" Habets

HERINNERINGSBOOK

Langzaam kroepe veer noar us 33-joarig bestoon. Lock-down of neet, de Zjubileikemissie geit gewoon door met de veurbereidinge.

Noe leek 't us leuk um e herinneringsbook oet te geve met 'nne trökblik op 33 jaor hoegte (en deeptepunte). Höb geer nog leuke foto's oet lang en minder lang vervloge tije? Zien die foto's ouch te bekieke veur alle leeftije? Num daan kontak met us op!

De Zjubileikemissie is ouch nog op zeuk naor inkele kreatieve redaksie-lede um met te hellepe.

Redaksie herinneringsbook Blamaasj

blamaasj3x11@gmail.com
06-81299058

HÖB GEER GET VEUR DE NUIJSBREEF?

Höb geer get dat geer wèlt deile mèt de lezers vaan dizze nuitsbreef?
Sjik dat daan in naor blamaasj@hotmail.com

**TRIPLE 11
NOG ALTIED
TE KOUP!!**

**OUCH
LEUK VEUR
OONDER DE
KEERSBOUM**

**BESTÈLLE
KINT GEER
BIJ DE
ZJUBILEI-
KEMISSIE**

BLAMAASJ3X11@GMAIL.COM